

**AKTI I THEMELIMIT DHE STATUTI I**  
**SHOQËRISË AKSIONARE ME OFERTË PRIVATE**  
**“ENERG COMPANY” SH.A.**

**AKTI I THEMELIMIT DHE STATUTI I  
SHOQËRISË AKSIONARE ME OFERTË PRIVATE  
“ENERG COMPANY” SH.A.**

Në këtë dokument, nëse nuk përcaktohet ndryshe, termat e mëposhtme kanë këto kuptime:

“Ligji nr. 9901/2008”	Ligji nr. 9901 datë 14.04.2008 “Për tregtarët dhe shoqëritë tregtare”, i ndryshuar;
“Statuti”	Ky akt themelimi dhe statut i shoqërisë aksionare me ofertë private “ENERG COMPANY” Sh.a;
“Shoqëria”	Shoqëria aksionare me ofertë private “ENERG COMPANY” Sh.a;
“Aksionar”	Personat fizikë ose juridikë që zotërojnë aksionet e Shoqërisë në përputhje me parashikimet e ligjit dhe të këtij Statuti;
“Vendim i Zakonshëm”:	Vendimi i miratuar nga Asambleja e Përgjithshme me shumicën e votave të Aksionarëve pjesëmarrës sipas kërkesave të nenit 145 (2) të Ligjit nr. 9901/2008;
“Vendim i Jashtëzakonshëm”:	Vendimi i miratuar nga Asambleja e Përgjithshme me tre të katërtat e votave të Aksionarëve pjesëmarrës në votim, sipas kërkesave të nenit 145 (1) të Ligjit nr. 9901/2008;
“Ligji për QKB-në”:	Ligji nr. 9723 datë 03.05.2007 “Për regjistrimin e biznesit”, i ndryshuar;
“QKB”:	Qendra Kombëtare e Biznesit;

Të gjitha njoftimet, kërkesat ose komunikimet e tjera që Shoqëria iu drejton Aksionarëve sipas këtij Statuti, do të bëhen me shkrim dhe do të konsiderohen të kryera në mënyrë të rregullt nëse u dërgohen Aksionarëve në adresat e regjistruara në Regjistrin e Aksioneve të Shoqërisë sipas nenit 11 të këtij Statuti, në bazë të deklarimeve që Aksionarët i bëjnë administratorit të Shoqërisë.

Të gjitha njoftimet, kërkesat, ose komunikimet e tjera që Shoqëria i drejton Aksionarëve sipas këtij Statutit, do të konsiderohen të kryera rregullisht nëse: **(i)** janë dorëzuar dorazi, **(ii)** janë dërguar me postë rekomande me kthim përgjigje, **(iii)** janë dërguar me korrier ekspres, ose **(iv)** janë dërguar me postë elektronike në adresën e komunikuar nga Aksionari.

Të gjitha njoftimet, kërkesat ose komunikimet e tjera që Shoqëria iu drejton Aksionarëve sipas këtij Statuti, do të konsiderohen të marra në mënyrë të rregullt nga Aksionari në datën më të hershme, ndërmjet: **(i)** datës së marrjes efektive ose refuzimit të pranimin nga ana e Aksionarit marrës ose **(ii)** datës së njoftimit të kthimit nga shërbimi postar, ose **(iii)** datës së dërgimit të komunikimit në rrugë elektronike.

**KREU I**  
**Themelimi, Emri, Qëllimi, Kohëzgjatja, Selia**

**NENI 1**  
**Themelimi**

(1) Sot me datë 04/02/2019, themelohet kjo shoqëri aksionare me ofertë private me emrin "ENERG COMPANY" SHA, nga personat si më poshtë, në cilësinë e Aksionarëve Themelues:

1. Z. Amarildo Hasrama, shtetas shqiptar, vendlindja Tiranë, i datëlindjes 11.06.1990, i identifikuar me pasaportën nr. BE5032160, me nr. personal J00611092A;
2. Z. Benar Halilaj, shtetas shqiptar, vendlindja Përmet, i datëlindjes 24/11/1976, i identifikuar me pasaportën nr. BE6434349, me nr. personal H61124049I.

**NENI 2**  
**Objekti i Shoqërisë**

(1) Shoqëria do të kryejë çdo aktivitet e veprimtari të lejuar nga ligji, përfshirë por pa u kufizuar në aktivitetet e importit, eksportit, tregtimit, përpunimit, shitjes dhe blerjes me pakicë e shumicë të naftës dhe nënprodukteve të saj, përfshirë lubrifikantët, magazinim dhe ruajtjen e naftës dhe nënprodukteve të saj, transportin e naftës dhe nënprodukteve të saj në të gjitha rrugët e mundshme dhe duke përdorur mjetet e saj ose së të tretëve, marrja me qira në përdorim apo në çdo formë tjetër e objekteve për aktivitetet e sipërpërmendura si edhe çdo veprimtari e aktivitet tjetër të lejuar nga ligji në Republikën e Shqipërisë. Gjithashtu, Shoqëria mund të kryejë çdo veprimtari tjetër plotësuese, të lidhur, ndihmëse apo të dobishme për realizimin e objektit të saj, në përputhje me legjislacionin në fuqi.

(2) Shoqëria mund të bashkëpunojë, themelojë apo zotërojë pjesëmarrje në shoqëri të tjera, drejtpërdrejt ose në mënyrë të tërthortë, me qëllim realizimin e objektit të saj të veprimtarisë.

(3) Në funksion të ushtrimit të aktivitetit të saj, Shoqëria mund të kryejë transaksione financiare, veprime me pasuritë të luajtshme dhe të paluajtshme, si dhe të garantojë detyrimet e veta apo ato të palëve të treta, duke garantuar përmbushjen e detyrimeve me pasuritë e saj dhe duke vendosur çdo barrë të nevojshme për këtë qëllim, në përputhje me ligjin.

**NENI 3**  
**Kohëzgjatja**

(1) Shoqëria themelohet për të ushtruar aktivitetin e saj për një periudhë kohe të pacaktuar, duke filluar nga data e regjistrimit të saj në Regjistrin Tregtar.

**NENI 4**  
**Selia, Website dhe adresa elektronike**

(1) Shoqëria do të ketë selinë e saj në adresën: Tiranë, Rr. Don Bosko, përballë Kishës Katolike, pallati Aurora, kati I.

(2) Shoqëria do të ketë *website-in* e saj zyrtar dhe adresën e saj zyrtare për komunikimet elektronike, të cilat njoftohen vullnetarisht në QKB.

**KREU II**  
**Kapitali i Regjistruar, Kontributet, Aksionet, Aksionarët**

**NENI 5**  
**Kapitali i Regjistruar, Themeluesit**

(1) Kapitali i regjistruar i Shoqërisë është 3.500.000 (tre milion e pesëqind mijë) Lekë, i cili ndahet në 350 (treqind e pesëdhjetë) aksione të zakonshme me vlerë nominale 10.000 (dhjetëmijë) Lekë secila.



(2) Aksionet e Shoqërisë nënshkruhen e paguhen në para nga Themeluesit, siç përcaktohet në Shtojcën I bashkëngjitur këtij Statuti si pjesë përbërëse e tij.

#### **NENI 6** **Aksionet, Aksionarët**

(1) Aksionarët e Shoqërisë do të jenë personat të cilët kanë fituar aksionet në mënyrat e përcaktuara nga ligji dhe dispozitat e këtij Statuti.

(2) Aksionet e Shoqërisë mund të jenë të kategorive të ndryshme, sipas vendimmarrjes së Asamblesë së Përgjithshme (aksione të zakonshme, aksione me përparësi, aksione me ose pa të drejtë vote). Aksionet që japin të njëjtat të drejta përbëjnë aksione të së njëjtës kategori. Të drejtat e përparësisë që burojnë nga aksionet me përparësi vendosen nga Asambleja e Përgjithshme me të njëjtën shumicë të kërkuar nga ligji për ndryshimin e statutit. Të drejtat e përparësisë të shënuara në Statut do të konsiderohen shteruese. Çdo aksion do të ketë të njëjtën vlerë nominale. Kriteret e vlerësimit dhe procedurat për shndërrimin e aksioneve nga njëra klasë në tjetrën, si dhe për shndërrimin e obligacioneve e titujve të tjerë, vendosen nga Asambleja e Përgjithshme me të njëjtën shumicë të kërkuar nga ligji për ndryshimin e Statutit.

(3) Aksionet nënshkruhen nga Aksionarët brenda 20 ditëve nga data e vendimit të Asamblesë së Përgjithshme për zmadhimin e kapitalit me emetim të aksioneve të reja. Për shlyerjen e Aksioneve do të zbatohen dispozitat e Ligjit nr. 9901/2008. Aksionarët kanë të drejtën e parablerjes për Aksionet e emetuara rishtazi, në përpjesëtim me pjesën e kapitalit të regjistruar që përfaqësojnë aksionet e zotëruara prej tyre. Kjo e drejtë duhet të ushtrohet brenda 20 ditëve pas publikimit të parashikuar në nenin 169 të Ligjit nr. 9901/2008.

#### **KREU III** **NDRYSHIME TË KAPITALIT – NDRYSHIME TË AKSIONEVE – REGJISTRI I** **AKSIONEVE**

##### **NENI 7** **Zmadhimi i Kapitalit dhe e drejta e parablerjes**

(1) Asambleja e Përgjithshme, nëpërmjet një Vendimi të Jashtëzakonshëm, mund të zmadhojë kapitalin e regjistruar të Shoqërisë sipas parashikimeve të Ligjit nr. 9901/2008.

(2) Aksionarët kanë të drejtën e parablerjes për Aksionet që kërkohen t'ju kalohen apo transferohen të tretëve, me cilindo titull apo shkak, si edhe për Aksionet e emetuara rishtazi, në përpjesëtim me pjesën e kapitalit të regjistruar që përfaqësojnë aksionet e zotëruara prej tyre. Kjo e drejtë duhet të ushtrohet brenda 20 ditëve nga njoftimi i Aksionarit transferues ose pas publikimit të parashikuar në nenin 169 të Ligjit nr. 9901/2008.

(3) Shoqëria mund të zmadhojë kapitalin në përputhje me mënyrat, kushtet dhe procedurat e parashikuara nga Ligji nr. 9901/2008.

##### **NENI 8** **Zvogëlimi i Kapitalit**

(1) Asambleja e Përgjithshme, nëpërmjet një Vendimi të Jashtëzakonshëm, mund të zvogëlojë kapitalin e regjistruar të Shoqërisë.

(2) Në rastet kur zvogëlimi i kapitalit nuk kryhet për shkak të humbjeve të aktivitetit tregtar, Asambleja e Përgjithshme, nëpërmjet një Vendimi të Jashtëzakonshëm, mund të vendosë të anulojë një ose më shumë aksione në përputhje me dispozitat e Ligjit nr. 9901/2008.

(3) Shoqëria mund të zvogëlojë kapitalin në përputhje me mënyrat, kushtet dhe procedurat e parashikuara nga Ligji nr. 9901/2008.



**NENI 9**  
**Regjistri i Aksioneve**

- (1) Administratori i Shoqërisë harton një regjistër të posaçëm, ku regjistrohen të dhënat e përcaktuara sipas Ligjit nr. 9901/2008 në lidhje me të gjitha aksionet e Shoqërisë. Administratori, sipas rastit, hedh të dhënat e aksioneve të emetuara rishtazi apo regjistron anulimin e aksioneve. Administratori regjistron gjithashtu në këtë regjistër kalimin aksioneve që i njoftohet nga Aksionari që e kalon aksionin, si dhe çdo veprim dhe e dhënë tjetër në lidhje me aksionet që mund të kërkohet me ligj apo sipas vendimeve të Shoqërisë.
- (2) Personat e regjistruar në regjistrin e aksioneve prezumohen Aksionarë të Shoqërisë me të drejta të plota ndaj Shoqërisë dhe të tretëve. Aksionet dhe të drejtat e fituara mbi to nuk mund të ushtrohen përpara se veprimi të jetë regjistruar në Regjistrin e Aksioneve që mban Shoqëria.
- (3) Në përputhje me afatet ligjore, Administratori njofton të dhënat e regjistrimit të aksioneve të Shoqërisë.
- (4) Çdo Aksionar mund t'i kërkojë Shoqërisë lëshimin e një vërtetimi mbi të dhënat e tij të regjistrimit në regjistrin e aksioneve të Shoqërisë. Me vendim të Asamblesë së Përgjithshme, Shoqëria mund të lëshojë certifikata për vërtetimin e zotërimit të aksionit.
- (5) Asambleja e Përgjithshme miraton ose i delegon Administratorit kompetencën për të miratuar rregullore të posaçme mbi formatin e regjistrimit të aksioneve dhe procedurat për kryerjen e regjistrimeve.


**KREU IV**  
**Organet e Shoqërisë**

**NENI 10**  
**Asambleja e Përgjithshme**

- (1) Asambleja e Përgjithshme është organi më i lartë vendimmarrës i Shoqërisë, i cili ka të drejtat e detyrimit e përcaktuara sipas nenit 135 të Ligjit nr. 9901/2008.
- (2) Mbledhja e Asamblesë së Përgjithshme mund të mbahet në selinë e Shoqërisë ose në çdo vend tjetër brenda Republikës së Shqipërisë ose jashtë saj, të përcaktuar në njoftimin e thirrjes. Mbledhja e Asamblesë së Përgjithshme mund të zhvillohet edhe nëpërmjet telekonferencës, videokonferencës ose mjete të tjera elektronike nëse të gjithë pjesëmarrësit janë identifikuar dhe u është dhënë mundësia të ndjekin diskutimin, të marrin pjesë në mënyrë aktive dhe të votojnë. Asambleja e Përgjithshme zgjedh mes të pranishmëve Kryetarin dhe Sekretarin e mbledhjes. Nëse plotësohen kushtet e mësipërme, Asambleja konsiderohet e mbledhur në vendin ku ndodhen Kryetari dhe Sekretari i Mbledhjes, në mënyrë që të mund të hartohen dhe nënshkruhen procesverbalet në librin përkatës të Shoqërisë.
- (3) Për thirrjen, punimet, kuorumin, vendimet, të drejtat e pjesëmarrjes, të përfaqësimit, të votës, si dhe për çdo çështje tjetër në lidhje me Asamblesë të Përgjithshme që nuk është rregulluar shprehimisht në këtë Statut, zbatohen dispozitat e neneve nga 135 deri në 153 të Ligjit nr. 9901/2008.
- (4) Asambleja e Përgjithshme miraton rregullore të brendshme mbi funksionimin dhe veprimtarinë e saj.

**NENI 11**  
**Këshilli i Administrimit**

- (1) Shoqëria do të ketë një Këshill Administrimi të përbërë nga 3 (tre) anëtarë.
- (2) Anëtarët e Këshillit të Administrimit emërohen nga Asambleja e Përgjithshme, nëpërmjet një Vendimi të Zakonshëm, me një afat jo me të gjatë se 3 vjet, me të drejtë riemërimi. Këshilli i Administrimit, me shumicë votash të gjithë anëtarëve të tij, emëron ndërmjet anëtarëve të tij Kryetarin dhe Zv. Kryetarin të cilët do të kryesojnë mbledhjet e Këshillit të Administrimit. Emërimi ka pasoja ligjore pas miratimit nga Shoqëria dhe regjistrimit në QKB. Asambleja e Përgjithshme mund të vendosë rregulla në lidhje me emërimin e tyre.
- (3) Asambleja e Përgjithshme mund të shkarkojë në çdo kohë anëtarët e Këshillit të Administrimit, me anë të një Vendimi të Zakonshëm.
- (4) Anëtarët e Këshillit të Administrimit janë individë, shumica e të cilëve është e pavarur dhe e ndryshme nga administratorët e Shoqërisë.



- (5) Këshillit i Administrimit ushtron të gjitha të drejtat dhe përgjegjësitë e parashikuara në nenet 154 e vijues të Ligjit n. 9901/2008. Këshillit i Administrimit mund të miratojë rregullore të brendshme mbi funksionimin e veprimtarinë e tij.
- (6) Mënyra e shpërblimit të anëtarëve të Këshillit të Administrimit përcaktohet nga Asambleja e Aksionarëve.
- (7) Për thirrjen, punimet, kuorumin, vendimet, të drejtat e pjesëmarrës, të përfaqësimit, të votës, si dhe për çdo çështje tjetër në lidhje me Këshillin e Administrimit që nuk është rregulluar në këtë Statut apo në rregulloret e brendshme të Shoqërisë, zbatohen dispozitat e neneve 154 e vijues të Ligjit nr. 9901/2008.
- (8) Anëtarët e parë të Këshillit të Administrimit janë personat e përcaktuar në Shtojcën 2 të këtij Statuti.

## **NENI 12** **Administratori(ët)**

- (1) Këshilli i Administrimit emëron një ose më shumë persona fizikë si Administratorë të Shoqërisë, me afat emërimi deri në 3 vjet. Administratorët mund të rrimërohen në detyrë. Anëtarët e Këshillit të Administrimit mund të kryejnë detyrën e administratorit për sa kohë shumica e anëtarëve të Këshillit të Administrimit janë anëtarë të pavarur, që nuk kryejnë këtë detyrë.
- (2) Administratori(ët) është/janë përfaqësuesi(t) ligjor(e) të Shoqërisë dhe ka/në të drejtë të përfaqësojnë Shoqërinë në marrëdhëniet me të tretët, në përputhje me të drejtat e detyrimit e përcaktuara sipas nenit 158 të Ligjit nr. 9901/2008 dhe dispozitat ligjore në fuqi.
- (3) Tagrat e përfaqësimit të Administratorit(ëve) dhe çdo ndryshim i tyre regjistrohen pranë QKB-së në përputhje me dispozitat e Ligjit nr. 9901/2008.
- (4) Këshilli i Administrimit mund të shkarkojë Administratorin(ët) në çdo kohë.
- (5) Masa dhe mënyra e shpërblimit të Administratorit/ëve vendoset nga Këshilli i Administrimit.
- (6) Kompetencat e Administratorit/ëve të Shoqërisë janë ato të parashikuara nga neni 158 dhe 159 i Ligjit nr. 9901/2008. Përveç këtyre kompetencave, Administratori/et kanë si kompetenca të posaçme dhe sa vijon: **(i)** marrjen e vendimeve për ekzekutimin e vendimeve të Asamblesë së Përgjithshme, **(ii)** ndjekjen e udhëzimeve të Këshillit të Administrimit, **(iii)** marrjen e vendimeve në lidhje me strukturën organizative të Shoqërisë, nivelit të punësimit dhe të pagave në Shoqëri; **(iv)** përfaqësimin e Shoqërisë për kryerjen e transaksioneve të nevojshme të aktivitetit, kreditim, huamarrje dhe huadhënie.
- (7) Për çdo çështje tjetër në lidhje me Administratorët që nuk është rregulluar në këtë Statut apo në rregulloret e brendshme të Shoqërisë, zbatohen dispozitat përkatëse të neneve nga 154 e vijues të Ligjit nr. 9901/2008.

## **NENI 13** **Shpërblimi**


- (1) Anëtarët e Këshillit të Administrimit mund të përfitojnë pagë bazë dhe shpërblime shtesë në varësi të angazhimit të tyre në Shoqëri. Skema e këtyre shpërblimeve përgatitet nga Këshilli i Administrimit dhe miratohet nga Asambleja e Përgjithshme.

## **NENI 14** **Auditimi**

- (1) Shoqëria kryhen auditimin e aktivitetit të saj tregtar dhe emërimin e auditorit(ëve) në përputhje me kërkesat ligjore.

## **KREU V** **Të ndryshme**

## **NENI 15** **Dividendët**



(1) Pas miratimit të pasqyrave financiare të vitit të mëparshëm financiar, nga fitimi që Shoqëria ka realizuar, Asambleja e Përgjithshme mund të vendosë nëpërmjet një Vendimi të Jashtëzakonshëm të shpërndajë dividend në favor të Aksionarëve në përputhje me përqindjen e kapitalit që përfaqësojnë Aksionet e zotëruara prej tyre.

(2) Dividendi paguhet në një ose disa këste, duke pasur parasysh nevojat e likuiditetit të Shoqërisë.

(3) Asnjë dividend nuk mund t'u shpërndahet Aksionarëve, për sa kohë Shoqëria nuk ka krijuar rezervat e parashikuara me ligj ose nga ky Statut.

#### **NENI 16**

##### **Rezervat**

(1) Asambleja e Përgjithshme krijon rezerva sipas përcaktimeve të Ligjit nr. 9901/2008. Asambleja e Përgjithshme, me propozim të Këshillit të Administrimit, mund të krijojë rezerva të posaçme nga fitimet e aktivitetit të Shoqërisë për mbarëvajtjen e aktivitetit të saj.

#### **NENI 17**

##### **Prishja dhe likuidimi**

(1) Shoqëria priset në rastet e parashikuara nga Ligji nr. 9901/2008. Prishja e Shoqërisë ka si pasojë hapjen e procedurave të likuidimit në gjendjen e aftësisë pagueuse, me përjashtim të rasteve kur ka filluar një procedurë falimentimi.

(2) Likuidimi i Shoqërisë do të rregullohet nga dispozitat e pjesës përkatëse të Ligjit nr. 9901/2008.

#### **NENI 18**

##### **Emërimi i organeve të para të Shoqërisë**

(1) Anëtarët e parë të Këshillit të Administrimit të Shoqërisë janë të listuar në Shtojcën II bashkëlidhur këtij Statuti.

(2) Administratori i parë i Shoqërisë përcaktohet në Shtojcën III bashkëlidhur këtij Statuti.

(3) Auditor i parë i Shoqërisë përcaktohet në Shtojcën IV bashkëlidhur këtij Statuti.

(4) Ndryshimet e mëvonshme në përbërjen dhe anëtarët e organeve të Shoqërisë bëhen në përputhje me dispozitat e Ligjit nr. 9901/2008.

#### **NENI 19**

##### **Dispozita të ndryshme**

(1) Ky dokument, duke përfshirë Shtojcat bashkëngjitur, përbën Aktin e Themelimit dhe Statutin e Shoqërisë.

(2) Ky Statut hartohet dhe nënshkruhet në 3 (tre) ekzemplarë të njëjtë në gjuhën shqipe.


(3) Ky Statut do të rregullohet dhe interpretohet në përputhje me legjislacionin e Republikës së Shqipërisë. Për sa nuk parashikohet në këtë Statut, zbatohen dispozitat e Ligjit nr. 9901/2008.

#### **THEMELUESIT**

**Z. Amarildo Hasrama**



**Z. Benar Halilaj**



**SHTOJCA I KAPITALI – AKSIONET**

Nr.	Aksionarët	Nënshkrimi dhe pagesa					Kontributi
		Pjesëmarrja	Numri i Aksioneve	Vlera e Nënshkruar ne Lekë	Pjesa e paguar Lekë	Pjesa e papaguar në Lekë	
1	<b>Amarildo Hasrama</b>	70%	245	2.450.000	612.500	1.837.500	Para
2	<b>Benar Haililaj</b>	30%	105	1.050.000	262.500	787.500	Para
		<b>100%</b>	<b>350</b>	<b>3.500.000</b>	<b>875.000</b>	<b>2.625.000</b>	





**SHTOJCA II KËSHILLI I ADMINISTRIMIT**

<i>(Emri/Mbiemri)</i>	<i>(Datëlindja)</i>	<i>(Vendlindja)</i>	<i>(Shtetësia)</i>	<i>(Afati i emërimit)</i>
Benar Halilaj	24/11/1976	Përmet	Shqiptare	Nga 04/02/2019 deri më 04/02/2022
<i>(Lloji i dokumentit)</i>	<i>(Nr. i Dokumentit)</i>	<i>(Adresa)</i>		<i>(Detyra)</i>
Pasaportë	BE6434349	Tiranë		Kryetar

<i>(Emri/Mbiemri)</i>	<i>(Datëlindja)</i>	<i>(Vendlindja)</i>	<i>(Shtetësia)</i>	<i>(Afati i Emërimit)</i>
Astrit Muja	14/11/1977	Krujë	Shqiptare	Nga 04/02/2019 deri më 04/02/2022
<i>(Lloji i dokumentit)</i>	<i>(Nr. i Dokumentit)</i>	<i>(Adresa)</i>		<i>(Detyra)</i>
Letërnjoftim	031688010	Tiranë		Zëvendës Kryetar

<i>(Emri/Mbiemri)</i>	<i>(Datëlindja)</i>	<i>(Vendlindja)</i>	<i>(Shtetësia)</i>	<i>(Afati i Emërimit)</i>
Amarildo Hasrama	11/06/1990	Tiranë	Shqiptare	Nga 04/02/2019 deri më 04/02/2022
<i>(Lloji i dokumentit)</i>	<i>(Nr. i Dokumentit)</i>	<i>(Adresa)</i>		<i>(Detyra)</i>
Pasaportë	BE5032160	Tiranë		Anëtar



**SHTOJCA III ADMINISTRATORËT**

<i>(Emri/Mbiemri)</i>	<i>(Datëlindja)</i>	<i>(Vendlindja)</i>	<i>(Shtetësia)</i>	<i>(Afati i Emërimit)</i>
Amarildo Hasrama	11/06/1990	Tiranë	Shqiptare	Nga 04/02/2019 deri më 04/02/2022
<i>(Lloji i dokumentit)</i>	<i>(Nr. i Dokumentit)</i>	<i>(Ka kufizime në tagrat e përfaqësimit?)</i>		
Pasaportë	BE5032160	Po <input type="checkbox"/>	Jo <input checked="" type="checkbox"/>	<i>(Nëse ka kufizime shëno)</i>
<i>(Adresa)</i>	Tirane			Administrator



**SHTOJCA IV - AUDITORËT**

<b>Kontabilist i Miratuar</b>	<b>Autoriteti Licencues/Certifikues</b>	<b>Data e Licencës/Certifikatës</b>	<b>Numri i Licencës/Certifikatës</b>
Znj. Anila Feracaku	Ministria e Financave/Autoriteti i Certifikimit	04/07/2012	362
<b>Datëlindja</b>	<b>Vendlindja</b>	<b>Lloji i Dokumentit</b>	<b>Numri Personal i Identifikimit (NID)</b>
07.06.1971	Tiranë	Letërnjoftim	H15607047R

